



Synfocity = 933

mail us at : mzsynfo@gmail.com; mizoramsynod@gmail.com - Phone - 2314648

April 18, 2024

☐ **Ram pum huap Kohhran Pavalai Pawl Intawhkhawm Vawi 6-na**

April 12-14, 2024 chhung khan ram pum huap Kohhran Pavalai Pawl Intawhkhawm vawi-6 na chu “East Lungdarah neih a ni a. Intawhkhawm thupui ‘A chhe lai siamthatu’ tih chu speaker, Rev. C. Zoramawia, Senior Executive Secretary-in Pathianni chawhma, chawhnu leh zan inkhawmah a sawi a. Intawhkhawmnaa kal palai in-report zawng zawng hi mi 5972 an ni.

April 12, 2024 (Zirtawpni) zanah Synod Moderator Rev. R. Vanlalngakan thuchah a sawi a. April 13, 2024 (Inrinni) chawhmaah Rev. R.C. Lalngakliana, Revival Director-in thuchah sawiin, chawhnuah zaikhawmpui neih a ni a, zan inkhawmah Rev. R. Lalnuntluanga, committee member-in thuchah a sawi a ni.

Kum 2023 chhunga Bial KPP report khaikhawmna tlangpui chu:

Bial KPP report lut zat	Bial 135
Bial KPP report lut lo/Dinglo zat	Bial 66
KPP awmna chhungkaw zat	40090
KPP member zat	41712
KPP member thi zat	783

Rampum Huap Kohhran Pavalai Pawl Intawhkhawm vawi 6-na Pandal-a neih hi a tum khatna a ni a, kum 2026-ah Kohhran Pavalai Intawhkhawm hi Serchhip Bialin an thleng dawn a ni. Tunah hian Kohhran Pavalai Pawl hi Synod Revival Department-in a enkawl a ni.

☐ **MTC Graduation Day Programme hman a ni**

April 18, 2024 (Ningani) hian Mission Vengthlang Kohhran Jubilee Hall-ah Missionary Training College Graduation Day Programme hman a ni a, zanah zanriah kil ho nghal a ni bawk.

Graduation Day inkhawmah hian Rev. Dr. C. Lalramchhana, Principal-in inlawmna leh inhmelhriattirna hun a hmang a. Rev. R. Vanlalngaka, Synod Moderator-in College Magazine a tlangzarh bakah thu a sawi a, Rev. C. Zoramawia, Senior Executive Secretary-in zirlaite hnenah Certificate a hlan a, Rev. Dr. K. Lallawmzuala, Executive Secretary i/c Synod Mission Board-in prize chi hrang hrang a sem bawk. Synod Mission Choir te tum hnih an zai a ni.

Graduation Day programme hi Hruaina Eng leh Synod Information Youtube Channel-ah Live-a pek chhuah a ni.

☐ **Kohhran Hmeichhia**

April 16, 2024 (Thawhlehi) khan Central Kohhran Hmeichhe Committee an thu khawm a, mi 44 an kal thei a ni.

☐ **Trust**

April 17, 2024 (Nilaini) khan Rengtekawn Pastor Quarters cheithat tur en felin Pu Lalramenga Royte, J.E a kal.

☐ **Worship**

April 19, 2024 (Zirtawpni) hian Thuampui Kohhranah Zai hruai training neihpui turin Pu C. Zirlianthanga, Music Instructor a kal ang.

☐ **Social Front**

April 20, 2024 (Inrinni) hian Ruihhlo leh Mipat Hmeichhiat hman khawlohna Seminar leh Campaign nei turin Khuangleng Kohhranah Campaigner te, Upa Peter Zohmingthanga leh Pu Alan Lalmuanpuia te an kal ang.

☐ **MSSU**

April 20, 2024 (Inrinni) hian Khawbung Vengpui Bialah Sunday School zirtirtu training neihpui turin trainer te, Upa K. Vanlalngaka leh Upa Lalrinawma Ralte te an kal ang.

- ❑ **KTP**
April 20-21, 2024 chung hian Zawlnuam Kohhran Biak In hawnnaah Synod Moderator tawiaawmin Mizoram Synod Choir an kal ang.
- ❑ **Thawktu thar**
Synod Service Board chuan P.C. Girls School-a Zirtirtu (Contract) hna thawk turin V. Lalnunmawii d/o V.L. Rinenga, Serchhip Chanmari veng chu a la thar a, a hna hi May 1, 2024 atangin a zawm ang.
- ❑ **Synod Mission Board**
 - ◆ **Nepal Mission Field**
April 13, 2024 (Inrinni) khan belhtu thar pathum an awm a, ni 14 (Pathianni) khan belhtu thar panga an awm a, ni 15 (Thawhtanni) khan belhtu thar pathum an awm bawk.
 - ◆ **Jharkhand Mission Field**
April 14, 2024 (Pathianni) khan belhtu thar 17 an awm.
 - ◆ **Calcutta Mission Field**
April 14, 2024 (Pathianni) khan belhtu thar 16 an awm.
 - ◆ **Odisha Mission Field**
April 14, 2024 (Pathianni) khan belhtu thar pakhat a awm.
 - ◆ **Delhi Mission Field**
April 14, 2024 (Pathianni) khan belhtu thar 19 an awm.
 - ◆ **Home Mission North**
April 14, 2024 (Pathianni) khan belhtu thar 10 an awm a, kumin chungin belhtu thar 16 an awm tawh a ni.
 - ◆ **Home Mission South**
April 14, 2024 (Pathianni) khan belhtu thar mi pali an awm.
 - ◆ **Masihi Sangati**
April 14, 2024 (Pathianni) khan Masihi Sangati rawngbawlnaah belhtu thar pathum an awm.

- ❑ **Synod Relief Fund**
Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Zawngtetui Kohhran Sunday School Hall, thli leh rialin a tihchhiat tanpui nan			₹ 50,000/-
2.	Bilkhawthlir Hmarveng PES in chung rangva chhia tanpui nan			₹ 50,000/-
3.	Chhingchhil Mualpui	Damlo	1	₹ 10,000/-
4.	Khawhai	Damlo	1	₹ 10,000/-
5.	Chekawn	In chhia	1	₹ 8,000/-
Belh khawm				₹ 1,28,000/-

March thla chungna harsatna hrang hrang tawkte hnenah Synod Relief Fund atanga chhawmdawlina sem zat chu ₹ 6,00,000/- a ni.

- ❑ **FM Zoawi - Aizawl & Lunglei : Hruaina Eng Radio Programme**
April 19, 2024 (Zirtawpni) @ 7:30 p.m. :
 - Solo** : Lalfamkima- Eng mahin a phak lo
 - Solo** : Malsawmdawngzuali - Ka tan i tuar
 - Thusawi** : Esther Lalkhawngaihdaungkimi (FG&CC) - Tunlai khawvela thalaite mamawh
 - Solo** : Ngursangzuali - Olive thing hnuaiyah
 - Solo** : Ramhmangaiha - Chhandamtu nunnem leh ropui
 - Solo** : Zohmingmawii Varte - Kraws-ah chuan

- ❑ **Su Samachar Prasaran Programme :**
April 21, 2024 (Pathianni) 5:30 pm. :
 - Group/Choir/Solo** : Eli Varte - Apne Hathon Se
 - Group/Choir/Solo** : Hmingtea Tochwawng - Jisu tomal Bhalo Bese Chhi
 - Sermon** : Rev. B. Zobiakluanga
 - Group/Choir/Solo** : Fabiana Malsawmtluangi - Jis Din Mein
 - Group/Choir/Solo** : The Leprosy Mission Choir - Ham Soup Te He

☐ **Hruaina Eng TV Programme**

18.4.2024 (Ningani) 8:30 pm : Thupui zir bing - Education : Then hnihna
19.4.2024 (Zirtawpni) 5:00 pm : Kristian Naupang Pual
20.4.2024 (Inrinni) 5:30 pm : Puitling Sunday School Zirlai
21.4.2024 (Pathianni) 8:00 am : Weekly round up
5:30 pm : Su Samachar Prasaran
22.4.2024 (Thawhtanni) 8:30 pm : Hruaina Eng Luang chhuak

☐ **Moderator leh Executive Secretary-te Programme:**

Rev. R. Vanlalnghaka : Moderator

April 20-21, 2024 Bawrai leh Zawlnuam Bial tlawh
April 23, 2024 Ramthar BEC

Rev. C. Zoramawia : Senior Executive Secretary

April 18, 2024 Nupa thu Sub-committee leh MTC Graduation Day
April 20, 2024 Lengpui Kohhran Centenary lawmna hmanpui
April 22-28, 2024 Zin programme nei lovin office-ah a awm ang.

Rev. V.L. Luaia Hranleh : Executive Secretary

April 18, 2024 MTC Graduation Day
April 21, 2024 Venghnuai Kohhran (Chawhnu leh Zan)
April 22-23, 2024 John Williams Hospital Committee, Lunglei
April 25, 2024 PBS Graduation Programme

Rev. Dr. K. Lallawmzuala : Executive Secretary

April 23, 2024 Ramthar BEC
April 25, 2024 Hospital Enthatu committee

April 24-a Synod Officer's Meeting (OM) leh April 25-a Synod Trust Committee-ah Moderator leh Executive Secretary-te an thu ang.

PRESBYTERIAN HMEICHHE HOSTEL HRIATTIRNA

Pawl 11 leh Pawl 12 zir tur, kum 2024-2025 chhunga Presbyterian Hmeichhe Hostel, Kulikawna awm duh tan ni 30.4.2024 (Thawhlejni), tlai dar 4:00 thleng dil theih a ni.

Interview hun : Ni 2.5.2024 (Ningani) dar 10:30 a.m
A hmun : Synod Committee Room-I, Synod Office

Dilna Form hi Kohhran Hmeichhe Department, Synod Office-ah leh Warden, Presbyterian Hmeichhe Hostel, Kulikawnah lak theih a ni.

Sd/-

Rev. V.L. Luaia Hranleh
Executive Secretary
i/c Presbyterian Hmeichhe Hostel